

ՄՏՈՊ ԳՈՐԾԻՔ/ԻՆԵՐԻ ՕԳՏԱԳՈՐԾՄԱՆ ԿԱՆՈՆՆԵՐ

Սահմանումներ

Բանկ՝ «ԱՐՄՍՎԻՍԲԱՆԿ» ՓԲԸ:

Հաճախորդ՝ Բանկի կողմից մատուցվող ծառայություններից օգտվող ֆիզիկական անձ, անհատ ձեռնարկատեր կամ իրավաբանական անձ:

Ստույգ գործիքներ՝ Բանկի կողմից տրամադրվող գործիքներ, որոնք հնարավորություն են տալիս Հաճախորդին իր նախաձեռնությամբ արգելափակել առանձին կամ բոլոր հեռավար բանկային ծառայությունների հասանելիությունը հեռավար տարբերակով կամ ֆիզիկական ներկայությամբ:

Արգելափակում՝ Բանկի կողմից մատուցվող ծառայության հեռավար եղանակով հասանելիության սահմանափակում (կասեցում)՝ Հաճախորդի հայտի հիման վրա:

Ապարգելափակում՝ արգելափակված ծառայության հեռավար եղանակով հասանելիության վերականգնումը Բանկի կողմից՝ Հաճախորդի դիմումի / հայտի համաձայն:

Ծրագրային հավելված՝ Բանկի կողմից գործարկված/տրամադրված ծրագիր կամ ծրագրերի համախումբ, Բանկի Ինտերնետ-բանկ համակարգը, «Armswiss MobileBank» մոբայլ հավելվածը, ինչպես նաև Բանկի այլ հարթակներ, որոնց միջոցով Հաճախորդին հեռավար եղանակով մատուցվում են ծառայություններ:

1. Ընդհանուր դրույթներ

1 Սույն կանոնները սահմանում են Բանկի կողմից տրամադրվող Ստույգ գործիքների օգտագործման հիմնական պայմանները և կարգը:

2 Ստույգ գործիքների նպատակը Հաճախորդին հեռավար եղանակով մատուցվող ծառայությունների հասանելիությունը արգելափակելու հնարավորություն ընձեռելն է:

3 Սույն կանոնները գործում են ի լրումն Բանկի հեռավար բանկային ծառայությունների մատուցման պայմանների և կիրառելի են Բանկի բոլոր Հաճախորդների համար:

4 Ստույգ գործիքների կիրառումը չի դադարեցնում Հաճախորդի և Բանկի միջև գործող պայմանագրերը և չի հանգեցնում հաշիվների, քարտերի, ավանդների կամ այլ բանկային ծառայությունների դադարեցմանը:

2. Ստույգ գործիքների օգտագործման կանոններ

2.1. Հաճախորդը կարող է ինքնուրույն գործարկել Ստույգ գործիքը Բանկի Ծրագրային հավելվածի միջոցով կամ ներկայացնել Ստույգ գործիքի արգելափակման հայտ (այսուհետ՝ Հայտ) Բանկի տարածքում և (կամ) հեռախոսազանգի միջոցով:

2.2. Ստույգ գործիքի կիրառումը չի պահանջում Հաճախորդի կողմից որևէ հիմնավորման ներկայացում:

2.3. Ստույգ գործիքները կիրառվում են Բանկի կողմից հեռավար եղանակով մատուցվող՝ ՀՀ օրենսդրությամբ սահմանված ծառայությունների նկատմամբ, այդ թվում՝

- Դրամական փոխանցումներ և վճարումներ,
- Քարտային գործառնություններ,
- Վարկային գործառնություններ,
- Ավանդներ,

- Կանխիկացման հայտ
- Հաշիվների և քարտերի բացման հայտեր,
- Բանկի կողմից սահմանված այլ ծառայությունների նկատմամբ:

- 2.4. Եթե Հաճախորդը ինքնուրույն է գործարկել Ստոպ գործիքը, ծառայության(ների) Արգելափակումը կատարվում է միայն Հաճախորդի կողմից Ծրագրային հավելվածի միջոցով համապատասխան գործողությունը հաստատելուց հետո:
- 2.5. Ծրագրային հավելվածով Ստոպ գործիքի կիրառման դեպքում Հաճախորդին տրամադրվում է 60 (վաթսուն) վայրկյան՝ հաստատելու կամ չեղարկելու իր կողմից ներկայացված՝ Հայտը: Հայտը Հաճախորդի կողմից հաստատվելու պահից առավելագույնը 60 (վաթսուն) վայրկյանի ընթացքում Բանկը Արգելափակում է համապատասխան ծառայություն(ներ)ը Բանկի բոլոր Ծրագրային հավելվածներում, անկախ այն հանգամանքից, թե որ Ծրագրային հավելվածից է ստացվել Ստոպ գործիքի կիրառման պահանջը:
- 2.6. Բանկը Արգելափակում իրականացնելուց հետո Հաճախորդին ուղարկում է համապատասխան ծանուցում՝ տեքստային հաղորդագրությամբ (SMS), էլեկտրոնային փոստի կամ Հաճախորդի կողմից ընտրված այլ հաղորդակցման եղանակով՝ ՀՀ օրենսդրությամբ սահմանված պահանջներով և կարգով:
- 2.7. Ստոպ գործիքը գործարկելուց հետո Ծրագրային հավելվածում Հաճախորդին ցուցադրվում է Արգելափակված ծառայությունների ընթացիկ կարգավիճակը:
- 2.8. Արգելափակման ընթացքում Հաճախորդը շարունակում է ունենալ իր հաշիվները, քարտերը, ավանդները և վարկերի մնացորդները դիտելու, ինչպես նաև Բանկի տարածքում դրանք օգտագործելու հնարավորություն:
- 2.9. Հեռավար եղանակով արգելափակված ծառայության շրջանակում որևէ գործողություն չի կարող իրականացվել՝ մինչև Հաճախորդի կողմից ծառայության ապարգելափակումը:
- 2.10. Ապարգելափակումն իրականացվում է բացառապես Հաճախորդի նախաձեռնությամբ:
- 2.11. Հաճախորդը կարող է իրականացնել ապարգելափակում ինքնուրույն՝ Բանկի ինտերնետ-բանկ կամ մոբայլ-բանկ հավելվածի միջոցով, ինչպես նաև Բանկի տարածքում՝ համապատասխան Հայտ ներկայացնելով:
- 2.12. Նախքան Ապարգելափակումը Բանկն իրականացնում է Հաճախորդի նույնականացում և ինքնության ստուգում՝ Բանկի ներքին իրավական ակտերի համաձայն:
- 2.13. Բանկն իրականացնում է ապարգելափակում ոչ շուտ, քան արգելափակման պահից 24 (քսանչորս) ժամ հետո՝ բացառությամբ այն դեպքերի, երբ ապարգելափակումն իրականացվում է Բանկի տարածքում՝ համապատասխան Հայտ/Դիմում ներկայացնելով:
- 2.14. Արգելափակման պահից 24 (քսանչորս) ժամը լրանալուց հետո, ապարգելափակման Հայտ ներկայացնելու դեպքում Բանկն իրականացնում է ապարգելափակում՝ Հայտը/Դիմումը ստանալուց հետո 12 (տասներկու) ժամվա ընթացքում: Անհետաձգելի՝ անհապաղ Ապարգելափակում իրականացվում է միայն Բանկի տարածքում՝ համապատասխան Հայտ ներկայացնելով:
- 2.15. Բանկն ապարգելափակում իրականացնելուց հետո Հաճախորդին ուղարկում է համապատասխան ծանուցում՝ տեքստային հաղորդագրությամբ (SMS), էլեկտրոնային փոստի կամ Հաճախորդի կողմից ընտրված այլ հաղորդակցման եղանակով՝ ՀՀ օրենսդրությամբ սահմանված պահանջներով և կարգով: